

Aajanika Makani aaKabbuku Kamuswaangano waBuumi Amulimu Wesu

SEPTEMBER 7-13

LUBONO LUZWA MUJWI LYALEZA | KULONGA 23-24

“Toyelede Kutobela Bantu”

w18.08 4 ¶7-8

Ulaazi Na Makani Woonse?

⁷ Uyandisya kutumizya beenzinyokwe na mame-seji naakuti e-mail? Kuti wamvwa amwi makani muma-news naakuti wabala atala azimwi zya-kachitika, ulakonzya kuyanda kuba wakusaangu-na kwaamba makani aayo. Kutanatumizya meseji naakuti e-mail eeyo, libuzye kuti: ‘Makani ngindiyanda kutumizya ngachoonzyo na? Ndilizizi na zyoonse zili atala amakani aaya?’ Kuti kutakwe choonzyo atala angawo, zilapa kuti utumizye makani aakubeja kubakombinyokwe. Kuti kutakwe choonzyo, utayitumizyi pe meseji eeyo pesi idilite.

⁸ Kuli limwi penzi likonzya kuba kuti katufwambaa-na kutumizya bamwi mameseji naakuti e-mail. Muli zimwi zisi, mulimu wesu wakukambawuka ulakasigwa. Muzisi eeyo, basikukazya balakonzya kupupulula makani aatuyoosya naakuti aapa kuti tutasyomani. Atulange-lange zyakachitika muchiindi chaSoviet Union. Kabunga kama-pulisa kategwa KGB, kakapupulula makani aakuti bakwesu bakali amikuli bawuzya bakombinyina. Bakamboni biingi bakaasyoma makani aaya aakubeja mpawo bakasiya mbunga yaJehova. Nzi-bakachita zilawusisya! Chibotezya nchakuti biingi bakaboola pesi bamwi taakwe nibakaboola. Lusyomo lwabo lwakamana. (1 Tim. 1:19) Tweelede kuchita biyeni kuti tutabi muchiimo chikozyenie achechi? Tatweelede kubuzya bamwi makani ngitutakwe choonzyo. Tutasyomi makani oonse ngitumvwa. Tweelede kubona kuti tulaazi makani oonse.

it-1 11 ¶3

Aroni

Kwaziindi eezi zitatu, Aroni taakwe naakambwa kuti nguwe wakabisya. Kulakonzeka kuti wakazu-

mizya zyiimo naakuti bamwi bantu kuti bape kuti achite zintu zitali kabotu. Chiindi chakusaanguna naakabisya, wakeelede kuyeeya majwi aamulawu aakuti: “Toyelede kutobela buleya mukucita zibi.” (Ku 23:2) Nikuba boobo, zina lyakwe libeleasedwe munzila ilikabotu muMagwalo alubo Mwana wa-Leza naakali aanyika wakatondeezya kuti ulabule-meka bupayizi bwaAroni.—In 115:10, 12; 118:3; 133:1, 2; 135:19; Mt 5:17-19; 8:4.

it-1 343 ¶5

Kofwaazigwa

Kutabeteka chabululami kwakali kukozyanisigwa akofwaala alubo Mulawu waMozesi teewakali kuzumizya zisinkamulomo, zipo naakuti kusaluula nkaambo zintu eezi zyakali kukonzya kofwaazya mubetesi akupa kuti abeteke munzila iitali yabululami. “Cisinkamulomo cilakonzya kupa babetesi kutabeteka kabotu.” (Ku 23:8) “Cisinkamulomo ci-loofwaazya meso aabasongo.” (Dt 16:19) Nikuba kuti mubetesi wakali aabusongo naakuti wakali chenjede, pesi wakali kukonzya koongelezegwa kuti atabeteki munzila ilikabotu abantu bali aamulandu, nikuba kuti wazichita aachaali naakuti katakubwene. Mulawu waLeza wakali kutondeezya aantanganana kuti zisinkamulomo azipo teezyakali kuyandikana pe munkuta. Mulawu ooyu wakali kwaamba kuti: “Utasalululi mucete akuyanda buyo muvwubi.” (Le 19:15) Kuti mubetesi abe aampuwo mbotu kubantu takeelede kwaamba kuti muntu uunotede takwe mulandu nikuba kalaamulandu.—Ku 23:2, 3.

Kuyanduula Lubono muJwi IyaLeza

w16.10 9 ¶4

“Tweelede Kubafwida Luzyalo Beenzu”

⁴ Jehova wakalayilila malsrayeli kuti balemeke bantu bazwa kuli zimwi zisi akubafwida luzyalo. (Bala Kulonga 23:9.) ‘Bakalizi mbukubede kuba mweenzu.’ Nikuba kabatanayinka mubuzike, kulakonzeka kuti maHebrayo teebakali kukkala pe abantu bakuEgepita nkaambo bakali kusaluulwa

akaambo kamusyobo wabo naakuti chikombelo nchibanjila. (Matl. 43:32; 46:34; Kul. 1:11-14) Nibakuba kuti malsrayeli bakali kupenzegwa nibakali mubuzike, pesi Jehova wakabayilila kuti babone mweenzu ‘mbuli sichisinyina.’—Lev. 19:33, 34.

it-2 393

Mikkayeli

1. Kuli mungelo uusalala uuwambidwe muBbayibbele uutali Gabriyeli, mungelo ooyu nguwe alikke uyitwa kuti “silutwe wabangelo.” (Jud 9) Zina eeli lisaanguna kwaambwa muchaandaano 10 chabbuku lyaDaniyele. Muchaandaano eechi, Mikkayeli wakaambwa kuti, nguumwi “wabasilutwe bapati” alubo wakagwasya mungelo wakali kulwana aasilutwe “wabwami bwacisi ca Persia.” Mikkayeli wakali kwiitwa kuti ‘ngusilutwe wabantu baDaniyele,’ “silutwe mupati ooyo wiimvwi kuti agwasye bantu [baDaniyele].” (Da 10:13, 20, 21; 12:1) Eezi zibikka aantanganana kuti Mikkayeli ngumungelo wakazulwida malsrayeli munkanda. (Ku 23:20, 21, 23; 32:34; 33:2) Kaambo kasimya makani aaya nkakuti: “Mikayeli silutwe wabangelo [wakapambana] a Diabolosi alimwi [wakali] kuzanyanya anguwe kujatikizya mubili wa Musa.”—Jud 9.

SEPTEMBER 14-20

LUBONO LUZWA MUJWI LYALEZA | KULONGA 25-26

“Chintu Chakali Kuyandikana Mutente Lyakukombela”

it-1 165

Bbokesi lyaChizuminano

Mbulyakeelede Kupangwa. Chiindi Jehova naakali kuyanda kuti kuyakwe tente lyakukombela, wakabuzya Mozesi mbaakeelede kupanga Bbokesi lyaChizuminano. Bbokesi eeli lyakali kuyandikana loko kumalsrayeli alubo lyakali kuyoobikkwa mutente lyakukombela. Bbokesi eeli mboobu mbulyakapimidwe: Tukokola tubili achisela mubulamfwu akakokola kamwi achisela mubwaamba

akakokola kamwi achisela kuya mujulu. Lyakapangidwe aazisamu zyamunga mpawo lyakazilulwidwe aangolida iisalalisya mukati aanze. Bbokesi eeli lyakeelede ‘kuzilululwa aangolida mukati aanze’ alubo Mozesi wakeelede “kupanga moo-mbe wangolida kuzinguluka mulomo wabbokesi.” Chivunisyo chaBbokesi eeli chakeelede kupangwa aangolida. Aachivunisyo eechi kwakali bakkerubbi babili bakafulidwe aansando yangolida, kerrubbi umwi wakali kumamanino aachivunisyo mpawo uumbi kumamanino aachivunisyo kabalange-ne alubo bakatandabikide mababa aabo mujulu mpawo mababa aayo akavumbide chivunisyo chaBbokesi. (Ku 25:10, 11, 17-22; 37:6-9) Chivunisyo eechi chakazibidwe kuti ‘ncivwunisyo cha-bbokesi chakumania zibi.’—Ku 25:17; Heb 9:5; la-nga *PROPITIATORY COVER*.

it-1 166 ¶2

Bbokesi lyaChizuminano

MuBbokesi lyaChizuminano mwakali kubambilwa zintu zisalala naakuti bumboni. Zintu eezi zyakali kuswaanizya Milawu yaMozesi iili 10. (Ku 25:16) MuBbokesi eelyo mwakabikkidwe “kabiya kangolida kakajisi mana alimwi amusako wa Aroni iwakasonsa,” zintu eezi zyakazoogwisigwa nikwakayakwa tempele lyaSolomoni. (Heb 9:4; Ku 16:32-34; My 17:10; 1Ba 8:9; 2Mk 5:10) Naakali waba aafwiifwi kufwa Mozesi, wakabweza “bbuku lya Mulawo” akulipa bapayizi maLevi mpawo wakabayilila kuti balibikke ‘kumbali lyabbokesi lyachizuminano chaJehova Leza wabo, alimwi lyakali kuyooba kamboni wabo.’—Dt 31:24-26.

it-1 166 ¶3

Bbokesi lyaChizuminano

Lyakali kutondeezya kubawo kwaLeza. Bbokesi lyaChizuminano lyakali kutondeezya kuti Leza mpali. Jehova wakasyomezya kuti: “Ndiyoolitondezya kulinduwe akwaambaula anduwe atala aacivwunisyo. Kuzwa akati kabakerubi ibali atala aabbokesi lya Bumboni.” “Nkaambo mukumbi ndiyoolibonya atala lyacivwunisyo.” (Ku 25:22; Le 16:2) Samuyele wakaamba kuti Jehova ukkede “acuuno cakwe atala aabakerubi.” (1Sa

4:4) Alubo makkerubbi bayiminina ‘nkalaki yaJehova yachikozyano.’ (1Mk 28:18) “Kufwumbwa chiindi Musa naakali kunjila mutente lyakuswaangana kuti aambaule a Leza, wakali kumvwa jwi lyambaula anguwe atala aacivwunisyo cabbokesi lya Bumboni, wakali kwaambaula anguwe kuzwa akati kabakerubi bobilo.” (My 7:89) Mukuya kwachiindi, Joshuwa aMupayizi Mupati Finiyasi bakaambuula aaJehova kunembo lyaBbokesi lyaChizuminano. (Jos 7:6-10; Bab 20:27, 28) Nikuba boobo, mupayizi mupati nguwe alikke wakali kuzumizigwa kunjila muBusena Busalalisya akubona Bbokkesi lyaChizuminano. Alubo wakali kunjila kamwi mumunyaka, muBuzuba Bwakumania Milandu.—Le 16:2, 3, 13, 15, 17; Heb 9:7.

Kuyanduula Lubono muJwi lyaLeza

it-1 432 ¶1

Kkerubbi

Mutente lyakukombela lyakayakwa munkanda kwakabikkidwe bakkerubbi bakukozyanisa. Kumamanino aachivunisyo chaBbokesi kwakali bakkerubbi babili bakapangidwe aangolida iifulidwe aansando. Bakalilangene alubo masyu aabo akalangide acivwunisyo. Bakkerubbi aaba bakanatandabikide mababa aabo aabili mujulu mpawo mababa aayo akavumbide chivunisyo chaBbokesi. Eeyi yakali nzila yakukwabilila. (Ku 25:10:10-21; 37:7-9) Alubo milembo yakali kubelesegwa mutente lyakukombela akketeni lyakali kusiyanisa busena Busalala aBusena Busalalisya yakasuminidwe bakkerubbi bakukozyanisa.—Ku 26:1, 31; 36:8, 35.

it-2 936

Zinkwa Zyachitondeezyo

Zinkwa zili 12 zyakali kubikkwa mubusena Busalala mutente lyakukombela naakuti mutempele, zyakali kugwisigwa mubuzuba bwaSabata mpawo kwakali kubikkwa zimbi zipya. (Ku 35:13; 39:36; 1Ba 7:48; 2Mk 13:11; Ne 10:32, 33) Bbala lyachiHebrayo lyakasandululwa kuti zinkwa zyachitondeezyo lilakonzya kwaamba kuti “kumbele” lyaJehova. (2Ba 13:23) Nkinkaako zinkwa zya-

chitondeezyo zyakali kubikkwa kunembo lyaJehova chiindi choonse nikwakali kupegwa zipayizyo. (Ku 25:30) Alubo zinkwa zyachitondeezyo zilakonzya kwaambwa kuti “zinkwa zyakwiilika” (2Mk 2:4) naakuti ‘zinkwa zyacituuzyo’ (Heb 9:2).

SEPTEMBER 21-27

LUBONO LUZWA MUJWI LYALEZA | KULONGA 27-28

“Twiiyaanzi Kumajansi aaBapayizi?”

it-2 1143

Urimu aTumimu

Basikulanga-langa makani aamuBbayibbele biingi basyoma kuti mabala akuti Urimu aTumimu aamba zintu zyakali kubelesegwa kukusonda. Kweendelana abusanduluzi bwaJames Moffatt, muli Kulonga 28:30 mabala aaya asandulwidwe kuti “zintu zyakusondya zisalala.” Bamwi bakali kwaamba kuti zintu zyakusondya eezi yakalembedwe kuti “iyyi,” zimwi yakalembedwe kuti “peepe” mpawo zimwi teezyakalembedwe pe. Chiindi nibakali kujana zilembedwe kuti “iyyi” naakuti “peepe” zyakali kutondeezya kuti basandulwa pesi nibakali kujana chakatalembedwe zyakali kubikka aantanganana kuti teebasandulwa pe. Alubo bamwi bakali kuyeeya kuti akali mabwe aabili aapepelete, kulilimwi bbazu mabwe aayo akali kutuba alubo kubbazu limbi akali kusiya. Chiindi mabwe aayo naakali kuwaalwa aansa, kuti woonse alanga kujulu kaatuba akali kutondeezya kuti “iyyi,” kuti alanga kujulu woonse kaasiya akali kutondeezya kuti “peepe” alubo kuti limwi kalisiya alubo limwi kalituba akali kutondeezya kuti taakwe nsandulo pe. Mulichimwi chiindi, Sawulu naakakumbila mupayizi kuti amubuzye kuti wakeelede kuyoolwana amaFilisiti na, taakwe nsandulo njaakajana pe. Chiindi naakaziba kuti aakati kabantu bakwe kuli wakali wabisya, wakakombelezya Jehova kati: “O Leza wa Israyeli, kotupa bwiinguzi kwiinda mu Tumimu!” Sawulu aJonatani bakagwisigwa aakati kabantu bakaliwo mpawo kwakawaala zyakusondya kuti babone kuti ngwani wakali wabisya

akati kabo kabali babili. Nikuba kuti majwi aaku-
ti “kotupa bwiinguzi kwiinda mu Tumimu” abone-
kaanga alisiyene akuwaala zyakusondya pesi ku-
lakonzeka kuti zintu eezi zibili zili aabulyidilano.
—1Sa 14:36-42.

it-1 849 ¶3

Nkumu

Mupayizi Mupati wamalsrayeli. Muchiindi cha-
malsrayeli mulembo wakali kwaangwa aamupayi-
zi mupati kumutwe wakali kubikkwa mpande ya-
ngolida aankumu. Mpande yangolida eeyi chakali
“citondezyo cisetekene cakulyaaba alincico,” alu-
bo mpande eeyo yakalembwe mbuli ‘mbukule-
mbwa aachiganto’ majwi aakuti “Kusalala nkukwa
Jehova.” (Ku 28:36-38; 39:30) Mbukunga mu-
payizi mupati nguwe wakali kuzulwida mubuko-
mbi bwaJehova, nkinkaako kwakali kweelela kuti
aabusena mpaakali kubelekela kukkale kakusala-
la. Alubo majwi aakuti “Kusalala nkukwa Jehova”
akali kuyeezya malsrayeli kuti bakeelede kukkala
kabasalala chiindi choonse nibakali kuchita zintu
zyabukombi. Mpande yangolida yakali kwiiminina
Mupayizi Mupati, Jesu Kristu akulipeda nkwaaka-
chita kuli Jehova kuti achite milimu yabupayizi ii-
sumpula kusalala kwaLeza.—Heb 7:26.

w08 8/15 15 ¶17

Lemeka Jehova Munzila yaBulemu

¹⁷ Tweelede kulijata munzila yabulemu chiindi ni-
tukomba Jehova. Lugwalo lwa Mukambausi 5:1
lwaamba kuti: “Kolilemeka lyoonse nounka kunja-
nda ya Leza mwini-mwini.” Mozesi aJoshuwa ba-
kapedwe mulawu wakuti kabagwisya nsangu chii-
ndi nibakali kunjila mubusena busalala. (Kul. 3:5;
Jos. 5:15) Kugwisya nsangu nkubakali kuchita,
kwakali kutondezya kuti balalemeka. Bapayi-
zi bamuchiindi chamalsrayeli bakapedwe mulawu
wakuti kabazwaata zibbudula “kutegwa kabavwu-
mba mantanda aabo.” (Kul. 28:42, 43) Mabambe
aaya, akali kupa kuti balemekeke chiindi nibaka-
li kubelekela aachipayililo. Boonse bamumpuli ya-
bapayizi bakali kutobelezya malayilile aasumpuki-
de aakulijata munzila yabulemu.

Kuyanduula Lubono muJwi IyaLeza

w12 8/1 26 ¶1-3

Mwalizi Na?

**Kuyeeyelwa kuti bakaajana kuli malsrayeli ma-
bwe aakali aakalembo kakali kuzwaatwa aamu-
payizi mupati aakaango?**

Chiindi malsrayeli nibakazwa muEgepita kabaya
munkanda, Leza wakabalayilila kuti basume kale-
mbo kamupayizi kakaango. (Kulonga 28:15-21)
Kalembo aaka kakeelede kusumwa aabbwe lisala-
la pyu, lyatopazi, Iyaemalodi, Iyanofeki, Iyasafilo,
Iyajasipa, Iyaliguri, Iyaagate, Iyamutusito, Iyakulu-
solito, Iyaonikisi alyajade. Malsrayeli bakali kuko-
nzya na kwaajana mabwe aaya?

Chiindi, mabwe aayandikana akali kuuzigwa. Mu-
chikozyano, bantu bakuEgepita bakali kujana ma-
bwe aaya kuchisi chitwa kuti Iran mazubaano,
kuAfghanistan alubo kuyeeyelwa kuti akuIndia.
Kumamayini aakuEgepita kwakali kujanika misyo-
bo yamabwe aayandikana iisiyene-siyene. Alu-
bo balupati-pati bamuEgepita bakali aamasena
aamamayini ngibakali kulangania. Jobu wakapa-
ndulula nzila nzibakali kubelesya bantu bakapona
muchindi chakwe nibakali kusya mbono zisisi-
dwe. Mbono nzibakali kusya zyakaambwa aaJobu
ziswaanizya mabwe aasafilo aatopazi.—Jobu 28:
1-11, 19.

Lugwalo lwaKulonga lutondezya kuti malsrayeli
“bakabweza mbono zyaabana Egepita” chiindi ni-
bakazwa mubuzike. (Kulonga 12:35, 36) Zilaanta-
nganana kuti malsrayeli bakasuma kalembo ka-
mupayizi kakaango kababelesya mabwe ngibaka-
zaawo kuEgepita.

it-1 1130 ¶2

Kusalala

Banyama Azilyo. Bapule bang’ombe, zigutu aba-
pule bampongo bataanzi kuzyalwa, bakali kusa-
lala kuli Jehova alubo banyama aaba bakeele-
de kujatwa munzila iilikabotu. Bakali kubelesywa
kukupayizya alubo imwi nyama yakali kusalazigwa
aabapayizi. (My 18:17-19) Michelo mitaanzi azya-

kkumi zyakali kusalala alubo zyakali kubelessegwa kuti zibe zipayizyo mutente lyakukombela. (Ku 28: 38) Zintu zyoonse Jehova nzyaakali kubona kuti zilasalala, teezyakeelede kuubaansigwa pe alubo teezyakeelede kubelessegwa muzintu zitakwe chakuchita abukombi. Atulange-lange atala amulawu wachakkumi. Muchikozyano, kuti muntu wabikka aambali chimwi chintu kuti azoope kachili chakkumi, mpawo umwi wamumpuli wabweza chipo eecho akuchibelesya katazi kuti chibambilidweenzi, muntu ulaachakkumi eecho wakali aamulandu wakutyola mulawu waLeza uli atala akulemeka zintu zisalala. Kweendelana aMulawu, mu-naachipo wakeelede kugwisya zipo zyiindulwidwe tubili kuchipo chakusaanguna, kutali kuti agwisye mbelele ilikabotu yachipayizyo luzutu. Kuchita oobu, kwakali kutondeezya kulemeka zintu zisalala zyaJehova.—Le 5:14-16.

SEPTEMBER 28–OCTOBER 4

LUBONO LUZWA MUJWI LYALEZA | KULONGA 29-30

“Kupa Jehova”

it-2 764-765

Kubalwa

KuSinayi. Kubalwa kwabantu kwakusaanguna kwakachitwa chiindi Jehova naakalayilila malsrayeli nibakali kuSinayi, mumweezi wachibili kabali baba aaminyaka iibili kuzwa kabalongede kuEgepita. Kutu Mozesi awubilwe amulimu, kumusyobo umwi awumwi kwakasalwa muntu wakali kuyoozulwida kukubala bantu kweendelana amusyobo wakwe. Malsrayeli bakapedwe mulawu wakuti baalumi bali aaminyaka iili 20 kaziya kujulu bakali kukonzya kuchita milimu yabusooja abantu bakabalwa boonse bagwisye hafu yasekeli naakuti mazubaano mali iili mbuli \$1.10. Mali eeyi yakali kubelessegwa kumilimu yakali kuchitwa kutente lyakukombela. (Ku 30:11-16; My 1:1-16, 18, 19) Bantu bakabalwa bakali 603 550 katutaswaanizyi maLevi nkaambo teebakali kuyoojana lukono pe. MaLevi taakwe mali njibakeelede kugwisya pe

naakuti kuyoonjila mumilimu yachisooja.—My 1: 44-47; 2:32, 33; 18:20, 24.

it-1 502

Kupa

MuMulawu kwakalembedwe kuti kuli zipo zyakeelede kupegwa. Chiindi Mozesi naakabala namba yamalsrayeli, wakaamba kuti mwaalumi umwi awumwi ulaaminyaka iili 20 kaziya kujulu weelede kugwisya “cisela casyekeli [mali iili mbuli \$1.10 mazubaano] kweelana acipimyo casyekeli lyamubusena busalala” kuti afutule buumi bwakwe. “Cisela casyekeli ncakusanga kuli Jehova” alubo chakali chakumania milandu kunununa buumi bwabo. Mali yakali kusangwa kuli Jehova yakali kubelessegwa “kumilimo yaatente lyakuswaanganina.” (Ku 30:11-16) Umwi sikulanga-langa makani azyachiindi wachiJuda uutegega Josephus wakaamba kuti “mutelo uusetekene” naakuti uusalala wakali kubbadalwa munyaka amunyaka.—*The Jewish War*, VII, 218 [vi, 6], 2Mk 24:6-10; Mt 17:24; langa TAXATION.

w11 11/1 12 ¶1-2

Mwalizi Na?

Mali yakali kubelessegwa kumilimu yakali kuchitwa mutempele kuJerusalemu yakali kuzwa kuli?

Mali yamitelo ayazyakkumi njiyo yakali kugwasiliza kusumpula milimu yakali kuchitwa kutempele. Alubo mali yayimwi mitelo yakali kubelessegwa. Muchikozyano, chiindi nikwakali kuyanda kuyakwa tente lyakukombela, Jehova wakalayilila Mozesi kuti abelesye hafu yasekeli yakagwisigwa aamalsrayeli boonse bakabalwa kuti ibe ‘chakusanga chaJehova.’—Kulonga 30:12-16.

Mukuya kwachiindi, chakazooba chianza chamaJuda kuti bagwisye mali yamutelo eeyi munyaka amunyaka kuti ibelessegwe kutempele. Jesu wakalayilila Petro kuti abweze mali mumulomo wamusi kuti akabbadele mutelo ooyo kutempele wakali kugwisigwa munyaka amunyaka.—Matayo 17:24-27.

Kuyanduula Lubono muJwi IyaLeza

it-1 1029 ¶4

Kuboko

Kubikka Maboko Mumutwe. Bantu bakali kubikka maboko aabo mumutwe wamuntu naakuti wachi-mwi chintu akaambo katwaambo tusiylene-siyene. Chiindi chiingi, kuchita oobo kwakali kutondeezya kuti chintu chabikkwa maboko naakuti muntu wa-bikkwa maboko wasalwa naakuti wachita chimwi chintu chipa kuti azibikane. Chiindi nikwakachitwa pobwe Iyakubikka bapayizi, Aroni abana bakwe bakabikka maboko aabo aamutwe wamupule wa-ng’ombe aamutwe yambelele zibili zyakali kuyanda kupayizigwa. Eezi zyakali kutondeezya kuti banya-ma aaba bakali kuyanda kupayizigwa akaambo kakuti we abana bakwe bakali baba bapayizi ba-Jehova Leza. (Ku 29:10, 15, 19; Le 8:14, 18, 22) Chiindi Mozesi naakabuzigwa aaLeza kuti wasala Joshuwa kuti abe sikumulida zina, Mozesi waka-bikka maboko aakwe mumutwe waJoshuwa ooyo “wakazwide muuya wabusongo” alubo wakali ku-konzya kuzulwida malsrayeli. (Dt 34:9) Alubo ma-boko akali kubikkwa mumutwe wamuntu wakeele-de kujana chilongezyo. (Mtl 48:14; Mk 10:16) Jesu Kristu wakali kubikka maboko aakwe mumutwe ya-bantu mbaakali kuponja. (Mt 8:3; Mk 6:5; Lk 13:13) Muli chimwi chiindi, baapostolo bakali kubikka maboko aabo aamutwe yabantu kuti bantu aabo bajane muuya uusalala.—Mil 8:14-20; 19:6.

it-1 114 ¶1

Kunanikwa, Kunanika

MuMulawu Jehova ngwakapede Mozesi, wakaa-mba mbaakeelede kupangwa mafuta aakunanika. Wakaamba kuti baswaanizye mafuta aanunkili-la aamuro, sinamoni, kkalamasi, kkasiya amafuta aamawolifa. (Ku 30:22-25) Wakali mulandu mu-pati loko kuti muntu waswaanizya mafuta aaya akwaabelesya katalayililidwe kuti achite oobo. (Ku 30:31-33) Eezi zyakali kutondeezya kuti mafuta aaya akali kusalala akuti akali kuyandikana loko nkaambo akali kubelesegwa kukusala bantu ba-kali kuchita milimu iiyandikana loko.

